

Ո Ր Ո Շ ՈՒ Մ

«27» մայիսի 2014թ.

N 331-Ն

ք.Ստեփանակերտ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԱՍԿԵՐԱՆԻ ՇՐՋԱՆԻ
ԽՐԱՄՈՐԹԻ ԵՆԹԱՇՐՋԱՆԻ ԳՅՈՒՂԱՏՆՏԵՍՈՒԹՅԱՆ ԶԱՐԳԱՑՄԱՆ
2014 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Լեռնային Ղարաբաղի Հանրապետության կառավարությունը որոշում է.

1. Հաստատել Լեռնային Ղարաբաղի Հանրապետության Ասկերանի շրջանի Խրամորթի ենթաշրջանի գյուղատնտեսության զարգացման 2014 թվականի ծրագիրը (այսուհետ՝ Ծրագիր)՝ համաձայն հավելվածի:

2. Սահմանել, որ՝

1) Ծրագրի կատարման հսկողությունը վերապահվում է Լեռնային Ղարաբաղի Հանրապետության գյուղատնտեսության նախարարությանը.

2) Ծրագրի շրջանակներում իրականացվող միջոցառումների պատասխանատու է հանդիսանում Լեռնային Ղարաբաղի Հանրապետության Ասկերանի շրջանի վարչակազմը.

3) Լեռնային Ղարաբաղի Հանրապետության Ասկերանի շրջանի վարչակազմը՝ եռամսյակային հաշվետվություն է ներկայացնում Լեռնային Ղարաբաղի Հանրապետության գյուղատնտեսության նախարարություն՝ սույն Ծրագրի շրջանակներում իրականացված միջոցառումների մասին.

4) Լեռնային Ղարաբաղի Հանրապետության գյուղատնտեսության նախարարությունը տնտեսական տարին ավարտելուց հետո՝ եռամսյա ժամկետում, Լեռնային Ղարաբաղի Հանրապետության կառավարություն է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա.ՀԱՐՈՒԹՅՈՒՆՅԱՆ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

Ծ Ր Ա Գ Ի Ր

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԱՄԿԵՐԱՆԻ ՇՐՋԱՆԻ ԽՐԱՍՈՐԹԻ ԵՆԹԱՇՐՋԱՆԻ
ԳՅՈՒՂԱՏՆՏԵՍՈՒԹՅԱՆ ԶԱՐԳԱՑՄԱՆ 2014 ԹՎԱԿԱՆԻ**

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ

I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

II. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

ՆԵՐԱԾՈՒԹՅՈՒՆ

Խրամորթի ենթաշրջանը գտնվում է ԼՂՀ Ասկերանի շրջանի հյուսիսային և հարավ-արևելյան մասերում: Այն ընդգրկում է Խրամորթ, Փառուխ, Խնապատ, Արմենակավան, Նախիջևանիկ, Վարդաձոր, Սառնաղբյուր, Ուղտասար համայնքները, որոնց հեռավորությունը մայրաքաղաք Ստեփանակերտից տատանվում է 21-34 կիլոմետրի սահմաններում, իսկ Ասկերան շրջկենտրոնից՝ 3-16 կիլոմետրի սահմաններում:

Լեռնային Ղարաբաղի Հանրապետության Ասկերանի շրջանի Խրամորթի ենթաշրջանի (այսուհետ՝ Խրամորթի ենթաշրջան) համայնքների համաչափ զարգացումը մեծապես պայմանավորված է այդ համայնքների գյուղատնտեսության զարգացմամբ, քանի որ ներկայումս և տեսանելի հեռանկարում այս ենթաշրջանի բնակչության մեծ մասի կենսամակարդակի բարձրացման աղբյուր են լինելու այն եկամուտները, որոնք ստացվում են գյուղատնտեսական արտադրությունից և գյուղատնտեսության բնագավառում վարձու աշխատանքից՝ հաշվի առնելով ենթաշրջանում առկա հողային, աշխատանքային, տեխնիկական ռեսուրսների առկայությունը:

Ծրագրով ներկայացվում են Խրամորթի ենթաշրջանի գյուղատնտեսության զարգացմանն ուղղված 2014 թվականին իրականացվելիք միջոցառումները և ակնկալվող արդյունքները:

Ծրագիրը նպատակաուղղված է ենթաշրջանի համայնքներում հիմնական միջոցների ստեղծմանը և հետագա զարգացման համար նախադրյալների ապահովմանը:

I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

Նպատակը.

Խրամորթի ենթաշրջանում առկա հողային, աշխատանքային, տեխնիկական ռեսուրսների արդյունավետ օգտագործման արդյունքում ստեղծել բնակչության կենսապայմանների աստիճանական բարելավման, բնակչության արտահոսքի մեղմման և կանխման, արժանավայել ու անվտանգ ապրելու և բարիքներ ստեղծելու համար անհրաժեշտ նախադրյալներ:

Խնդիրները.

1. Խրամորթի ենթաշրջանի համայնքներում գյուղատնտեսության ճյուղերի համաչափ զարգացման համար անհրաժեշտ պայմանների ստեղծում:
2. Առկա գյուղատնտեսական նշանակության հողերի լիարժեք օգտագործման և հողերի վիճակի բարելավման համար հնարավորությունների ստեղծում:
3. Նյութատեխնիկական միջոցներով ապահովվածության մակարդակի բարձրացում:
4. Ենթաշրջանի համայնքների բնակչության աշխատունակ հատվածի համար լիարժեք զբաղվածության ապահովում:

II. ԾՐԱԳՐԻ ԻՐԱԿԱՆԱՑՄԱՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

Խրամորթի ենթաշրջանում կատարած ուսումնասիրությունները ցույց են տալիս, որ ենթաշրջանի գյուղատնտեսության զարգացման նպատակով 2014 թվականին անհրաժեշտ է իրականացնել ստորև ներկայացվող միջոցառումը՝

Գյուղատնտեսական տեխնիկայի ձեռքբերում: Գյուղատնտեսության ինտենսիվացման, նրա արդյունավետության բարձրացման կարևոր նախապայմաններից է գյուղատնտեսական տեխնիկայի հավաքակազմի արդիականացումը, տեխնիկական հագեցվածության մակարդակի բարձրացումը:

Ծրագրի շրջանակում նախատեսվում է ձեռք բերել գյուղատնտեսական տեխնիկա, որը կնպաստի աշխատանքի արտադրողականության բարձրացմանը: Ծրագրով նախատեսված 15000.0 հազար ՀՀ դրամ գումարը կուղղվի գյուղատնտեսական տեխնիկայի ձեռքբերման համար ներկայացված հայտերի հիման վրա Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի կողմից ֆինանսական վարձակալության (լիզինգի) պայմանագրով ձեռք բերվելիք գյուղտեխնիկայի համար սահմանվող գնի քսան տոկոս կանխավճարի մարմանը:

Ծրագրի իրագործման համար 2014թվականին պահանջվող ներդրումներն ըստ եռամսյակների ներկայացված են աղյուսակում:

**ԱՍԿԵՐԱՆԻ ՇՐՋԱՆԻ ԽՐԱՄՈՐԹԻ ԵՆԹԱՇՐՋԱՆԻ ԳՅՈՒՂԱՏՆԵՍՈՒԹՅԱՆ
ԶԱՐԳԱՑՄԱՆ ԾՐԱԳՐԻ ԻՐԱԿՈՐԾՄԱՆ ՀԱՄԱՐ 2014 ԹՎԱԿԱՆԻՆ
ՊԱՀԱՆՋՎՈՂ ՆԵՐԴՐՈՒՄՆԵՐԸ**

/հազ. դրամ/

Հ/հ	Ներդրումների նպատակը	2014թ.	այդ թվում՝ ըստ եռամսյակների			
			1-ին	2-րդ	3-րդ	4-րդ
1.	Գյուղտեխնիկայի ձեռքբերում	15000.0		7500.0	7500.0	
ԸՆԴԱՄԵՆԸ		15000.0		7500.0	7500.0	

III. ԾՐԱԳՐԻ ԻՐԱԿԱՆԱՑՈՒՄԻՑ ԱՎՆԿԱԼՎՈՂ ԱՐՅՈՒՆՔՆԵՐԸ

Համապատասխան ներդրումներ կատարելու դեպքում Ծրագրի իրականացումից ակնկալվում է Խրամորթի ենթաշրջանի համայնքներում գյուղատնտեսական ոլորտի զարգացման առաջընթաց, որն առաջիկա տարիներին կդրսևորվի հետևյալ արդյունքներով՝

1) դրական տեղաշարժեր կլինեն բուսաբուծության և անասնաբուծության ներձյուղային կառուցվածքում՝ կավելանա պտղի, կերային մշակաբույսերի, կաթի և մսի համախառն արտադրությունը.

2) տեղական արտադրության հաշվին կբարձրանա որոշ պարենամթերքների ապահովվածության մակարդակը.

3) գյուղատնտեսության ոլորտի գործունեության արդյունքում կբարձրանա բնակչության զբաղվածության մակարդակը, կավելանան եկամուտները:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ**

Լ.ԳՐԻԳՈՐՅԱՆ